

M. de Taronde  
Copia.

Copia. A Paris ce dernier d'Avoust 1662

Monsieur

Je me donne l'honneur d'informer S. A. Elect. du present estat de  
ma longue et fastueuse negociation; non pas que je doute qu'elle  
ne le soit successivement par S. A. Madame la Princesse Douairiere,  
mais principalement pour la desabuser d'une <sup>proposition</sup> ~~proposition~~ que j'ay  
trouuee dans la Lettre de S. A. E. a M. l'Agent Beck, comme si  
l'intention de ce Roy icy seroit d'establi<sup>r</sup> luy mesme un Gouverneur  
Catholique Romain a Orange, Nous n'en sommes pas la, grace a  
Dieu, quoy que assez prouuee par une contraincte de M. le Prince  
ne chargeant pas le moindre de Leurs propres Subjects, J'ay pensé,  
Monsieur, que vous trouuerez moyen de nous sortir de ce Labyrinthe,  
ou je languis, et me consume au grand interest de mon pauvre Domestique.  
Si vous avez la bonte de souffrir que par ceste occasion je puisse vous  
entretenir d'un mot de la Musique, nostre commune Maistrisse,  
Je vous advertiray, Monsieur, que le tres illustre Sieur de Rambouillet,  
qu'on dit de monde n'egalé sur le Clavecin, soit que vous confidez  
la composition ou le bien toucher, se trouue icy si degouté de se voir  
offeé par le bas et mauvais mariage qui regne en ceste Cour, une Pension  
d'environ mil escus par an, qu'il y auroit moyen d'en deurr,  
trouuoit un Prince digne amateur de sa science, et capable de le  
faire vivre avec un peu d'honneur, comme il a tous jours fait icy, Je  
sçay, Monsieur, comme en particulier cest Instrument est de vostre  
inclination, et c'est ce qui m'a fait songer a — par moy mesme, pour  
vous ne sentir point a vous laisser en vostre belle Cour d'un  
homme si extraordinaire, et qui vous pourroit donner tant de fatras  
au fort de vos grandes occupations, Je vous supplie de prendre  
en bonne part l'ouverture que je m'avance a vous en faire, Le  
reste depend de vous, et me suffira de m'estre mis en devoir sur ce petit  
Subject, comme je souhaiterois de le pourvoir faire en d'autres de plus  
de poids, a quel point j'honore vostre Excellent merite, et suis

Monsieur

